

## Aurora-kut tigusiuvut 'Michelin Sulianginnik Pivitsagijanginnik' akKutimmut

Januar 2010-mi, Aurora-kut kingullimi nunaliujunut Kaujitsigalalauttut. Taijaujuk 'Michelin Sulianga Pivitsagijangit', tamakkua Kaujitsiutet nalunaititsilauttuk suliansagijaujunik ammalu kenaujaliugutet pivitsagijanginnik Michelin Suliangujumit. Mikijotlutuk katimatitsigalalauttut immigolingatlutillu.

SuliaKattivut ingiggalauttut ukununga Nain, Hopedale, Makkovik, KipukKak, Rigolet, North West River ammalu Happy Valley - Goose Bay Kaujitsigiattutlutik Kaujisimajanginnik 2009-imi kenaujaliugutet ikajotet Kaujisattaulauttumik.

“SakKititsilualauttut katimannimik takutitsigumatlutik Suliangujop kenaujaliugutigijaugajattunik

## Kenaujaliugutet ikajotet 2010 Taggâni Ikumait

2010-imi Taggâni Ikumait katimatsuanik sakKititaulauttuk Januar 27 - 30-munut Montreal-imi. Tâna jâri tamât sakKiKattatuk âkKisuttausimajuk Labradorimi Taggâni katimattiujuunik ammalu KiKittasuami NunakKatigengitut katimattiujuunik takutitsigiamut piusituKaujunik ammalu kenaujaliugutet pivalliatuajuunik Nunavut-mi, Nunavik ammalu Labradorimi/Nunatsiavut.

Aurora-kut AngajukKânga ammalu Angijutliujuk Aulatsijik SuliaKatti, Bruce Dumville, Kaujitsilauttuk Micheliuip Sulianganik ammalu kenaujaliugutigijaugajattunik pivalliatuagajattunik. Kaujitsiutinga Kanuttogutigijaujunik sakKititsialauttut katimaKataugiattulauttunut.



Ches Andersen (saumiani) ammalu Bruce Dumville (talippiani) akKusâKatausimajuk Aurorakkunullu Taggâni Ikumait ingipvingani.



Ilagiallugu katimatitsinnit, sollu taipsumingatigut KipukKami, Aurorakut katimaKatiKalauttut adjigengitunik katimattiujuunik, katutjiKatigengujunik ammalu kavamalgijiujuunik, ilautillugit kiggatuttilaget Nunatsiavut kavamakkunginnik, Inuit Nunalet kavamakkungita, Labrador Taggâni katimattilaget, ammlau Nunalik Happy Valley-Goose Bay

ikajotigijangit Labradorimut ammalu Nunatsiavummut ammalu isumaummiKullugit nunalimmiut suliansagijaugajattunik,” uKajuk Ches Andersen, Aurorakut AngajukKângata Tullia, Labradorip Suliagijanginnut.

Atuinnagutjigiamik pimmagiulangavuk sakKititsigiamik suliansanut pivitsagijauniattunut. IlinniavitsuamegiaKasimalâttut ammalu suliaKasimanninginnik tigumiattaugiaKalâttut suliansatâgiamut tâkkuninga ilanginnut suliangujop ilingajumut. Asinginnut suliansanut, ilinniataugalalâttut, tâvatuak ilisimagiaKanginnagialet ikajugajammijuk.

“kinakuttuinait KanuttogutiKajut suliansatâgiamut Suliangujumik isumâlotiKagiasigialelet Kaujimajanginnik ammalu iligunnatanginnik suliangujuk pivalliatuakKâgani. Atuinnagutjipata pivitsaKaluagajattut,”uKajuk Mr. Andersen.



Taggajât ammalu takutitaulaummiut ilanginnut suliansanut pivitsagijaulâttunut Michelin Suliagijaulippat takugatsaulaummiujuk. IlauKataulauttut katimajunut imailingalaukKuk 40 tikillugu 50 inunnik. Nunalimmiut Nainimit katimaKataugiattulauttunut takutsaujut Kângani.

## Suliatsait ammalu kenaujaliugutet ikajotingit

Tigujaugatta ammalu ikajuttautluta Labrador nunagijanginnit, Aurora-kut tugâgutigijangatâ pivalliatitsigiamik Michelin Suliatsanganik. Tainna tigujaunnik ammalu ikajuttaunik najuttiKatsiamat nunalimmiunit nunalimmiut nâmmasitsiagialet Suliangujuk kajutsiaKullugu kamatsialuni-inungita ammalu nunangatâ paigijaunianinganik Suliatsak sakKijâningata ammalu sivunitsanganut.

Pivalliataugasuajuk ammalu atuniKatsiatunik ikajotiKagialik nunalimmiunut ammalu inugijanginnut. Ammalu tamanna sakKititsigiaKammijuk pivitsanik suliatsanik, pivalliagajattunik suliatsagijaugajattunut, angilligiaKullugit namminiKajunut ammalu nutânik sakKititsigiamik.

## Pivitsagijangit ilingajumut nunatsiavummut ammalu labradorimut

### suliatsanutuinnaungituk:

- akuni suliatsagijaugajattunut
- asianut tunijausot ilinniataulangajut
- ikKanammagijut ilinniagatsait piguvalliajunut suliangujunut
- pivitsaKalluni suliatsaKagiamik Kanittumut angigganut

### kenaujaliuttaujut:

- kikkutuinnanut ammalu ilagegijamminut
- nunalimmiunut
- ilingajumut Nunatsiavut kavamangatâ

### sanginitsamik kenaujaliugutiKalluni:

- tâtsiliuttaujunut
- kenaujaliuKattajut namminilet angilligiallutik
- nunakKatigengituni kenaujaliugutiKalluni adjiKangitunik

## ikajotet ilingajumut nunatsiavut kavamakkunut

UKauset atuttaujut iluani Labrador Inuit Nunamet Satusattausimajop AngiKatigegutingatâ Nunatsiavut kavamanga sutaijattunik ikajotinnik

### tâtsiliuttaujut ilinganiKajumut nunatsiavut kavamakkunut

\$220 miliun\* sakKijâninganut suliangujop; \$10 miliun jâri tamât:

- 25% ujaanniataujunit tâtset katitjutautillugit kavamamut Newfalâmi ammalu Labradorimi suliagijaujunut Nunatsiavut nunanginni
- 90% federal-ikkunit kenaujaliuttaujut tâtset pitâgijaujut inunnut nunaKajunut Nunatsiavut utittitautillugit Nunatsiavut kavamakkunginnut

### asigiallait ikajotet

- AttutaujuKagajappat ammalu ikajotet AngiKatigegutinga satusattaugialik

\* Ilonnatik kenaujait akigijangit ilautitauKatauvut 2%-imik akigijaujut puttuKattaniniginnik

## kenaujalignimmut ikajotit Kaujisattauninga

Uvattinik ikajuniammata tukisitsiagasuagiamut tâkkuninga pivitsagijaujunik ammalu uKâlaKalluta nunalimmiunik tâkkununga, Aurora-kkut tigusisimajut Tugâgutitsanginnik takunnâtaujunik, Inc. Ammalu Wade Locke kenaujalignijet UKautjigiajinginnik atuinngutjigiamik kenaujaliugutet ikajotet Kaujisattauningsanganik ilinganiattumut Michelin Suliagijaugumajop. Kaujisannik atuKattatuk uvattinik Kaujimagejavuttinik ullumi nalunaitsigiamik ununningitâ suliatsagijaugialinnik, akigijanga nigijugijaujunik sanattauniattunik ammalu atuttauniattunik sanajaulippat, aulataulippat ammalu pejagiattaullippat Suliangujop - 22 jârinik ilinganiattumut.

kenaujalignimmut ikajotet Kaujisattauninga ilinganiKatsiamagittuk Aurora-kkut Kaujisanimmata Septembara-mi 2009 sivungagut Kaujisalaummata kenaujait Kimiggutauniammata ilingajumut Michelin Suliagijaugasuajumut, tapvainak Kaujisattaullauttumut Suliatsaup piusitsanganik ammalu kenaujalignimmut ilinganiKajunut. Kaujigatsait akKisuttausialâttuk ilinganiKajumut Sivungani kenaujalignijet Kaujisattaullauttut ammalu kenaujalignijet ikajotingit ilingajumut Michelin Suliangujumut akKiattausialâttuk.

## Mikilligiattausimajut suliansait atuttaulagijaulâttut

### michelin suliangujuk sakKititsiniattuk:


700 suliansanik sanajaulippat

400 suliansanik aulataulippat

### asigiallait suliansait:

taikanengitut-suliaKattitaujut suliangujunut kantrâkkitâttausimajunut sakKititsiKattaniattunut atuttaugialinnik ammalu kiggatotigijaugialinnik suliansaup ininga

suliansagijaugiallaniattut-suliaKattitaujut nigipviKajunut, tujummiuviKajunut, niuvipviKajunut, sunagiallailu.



## Kanuittoningit suliansagijaugajattut pivitsagijaujut

### sanajaulippat

kipaluit, sanattet, ikumaligijet, kikianik suliaKattet, uKumaittuniutet, sulluligijet, akKisuijet, niKiligijet

### aulataulippat

#### ilisimallagijut:

ujaganniavimmi angajukKât, ujanik Kimiggutet, ujanianimmuk akKisuijet, ujanik Kaujisattiligijet, sanajet, kenaujiligijet, paitsijet, Kaujisattet, uKumaittuniutinik sanajet, kamatsiagamut ammalu avatiup angajukKâk, suliaKattinut angajukKâk

#### Ilinniagesimajut:

ujaganniatic, ikumaligijik, kikianik simitsiutiligijik, ikumautinik sanajik, piKutinik akKisuijik, suliaKajunut kamajik, ujanik Kaujisattinik, kikianik simitsiligijik, sullunik akKisuijik, ujanik akKisuijik

#### ilinniajut sulii:


uKumaittuniutinik aulatsijik, motakâttik, putogguligijik, allatik, igapvimi suliaKattik, salummasajik, ikumanik ilugusimmi aulatsijik, panitsegutik kamajik, Kalotinnut kamajik, ottogattik

## angijumik takunnâlugu

aulautauninganit, michelin suliangujuk sakKititsiniattuk:

- \$400\* miliun kenaujaliuttaujunik kinakkutuinnanut ammalu namminiKajunut iluani Nunatsiavummi
- \$5.8\* biliun ilonnanga kenaujaliuttautillugu
- 6%-imik nunatsualimâmi sakKititsitillugit otânattunik

\*Ilonnatik kenaujait akigijangit ilautitauKatauvut 2%-imik akigijaujut puttuKattaninginnik



## Nunalet KaujimaKatigennik Kaujitsiutik

Atâni naittotitausimajuKavuk KaujimaKatigegutigijaulauttunik satjugiami Labradorimi taimanganit 2008-imi. Ilagiallugu Kaujigatsait atuinnaumijut Aurorakut Kagitaujangita Kaujisapvingani ([www.aurora-energy.ca](http://www.aurora-energy.ca)). KaujimaKatigennik kajusilangavuk 2010-imi.

### ujagannianik ammlau sivunitsanga Kaujimattitauninga ujugannianik ammalu michelinimi sulianga



‘Ujugannianik ammalu Sivunitsanga’ Kaujitsigumalauttut taimâk âkKisuttaulauttut kiusongutlutik apitsotigijaujunik sollu: Sunauvâ ujugannianing? Nani ujuganniavet ammatauKattajon? Sunauvâ Michelinuip Sulianga ammalu Kanulli ilijaulangavâ uvattinut ujuganniavigijavuttinun’?

Tâna katimannik ilautitsilauttut Kaujitsiutinnit Aurorakut suliaKattginginnit ammalu Kagitaujatigut takugatsanik takutitsilaummijut Kanuk nunaup Kângagut ujuganniaKattamangâmmik ammalu nunaup iluani Kanuk sanajauKattamangâmmik ammalu aulatauKattamangâmmik, ammalu takutitsimitlutik Kanuk otânattuit ujuganniatauKattamangâmmik Michelinimi siKallevitsalu iningani.

### Pivitsagijaujut sivunitsatinnut suliatsait ammalu ilinniagatsait michelinuip sulianganut



‘Pivitsagijaujut Sivunittinut’ aiviusonguniammata katimannet pivitsaKattisilauttut nunalimmiunik uKâlagalagiamik immigolingatlutik pitjutigitlugu suliatsaungujuk Michelin Suliangujumi ammalu Kanuk ilinniagiaKalâmmangâmmik suliatsatâgiamut Suliangujumi.

SuliaKattivit uKâlautiKalauttut suliatsagijausongulâttunik pivitsagijaujunik suliangujumik, ilinniatitsigiamut pannaigutivut, ammalu maligatsagijavut Kanuittailinimmut ammalu kamatsiagiamut, avatik paigijaunitsanganut, ammalu adjigengujumik pivitsaKattisillugit tigusigiamut suliaKattisanik.

### ÂkKisuinnik angittaugumanimmut katagattauKattatut kamagillugit michelinilu sulianga



Anginippâvut nunalet Kaujimatitsinik 2009-imi, ‘âkKisuinnik angittaugumanimmut’Kaujitsiutiulauttut pitjutigitlugit katagattauKattajunik kamagijaunningit piniannigijausot Michelin Suliangujumik. KaujitsiutiKalauttut, ammalu takugatsaujumik pitaKatlutik atutlutik angijualummik 3D-ngujumik atuttausomik ottugautigijautluni, nunanguanik ammalu asigiallanik atutlutik takutitsigalagiamik.

Aurora-kut katagattauKattatut kamagiamut suliaKattgingit ilaKalauttut ilisimallagijunik uKautjigijajiujuunik ikajuttaugumatlutik tukisititsigiagiamut piusigijanginnik annigijausimajunik atulâttanginnik kamatsianitsaugumatlutik katagattausimajunik aulatsilippata ilingajumut Suliangujumut ammalu takutitsigumatlutik Kanuk tamakkua otânattuit kamagijausongummangâmmik taimâtsiak paigisiutiKatillugit.

### michelin sulianga pivitsagijaujut suliatsait ammalu kenaujaliugutet ikajotingit



MânaKammik pijagettausimajut ‘Michelin Sulianga Pivitsagijangit’ KaujimaKatigennik Kaujitsiutigijaulauttut pitjutigitlugit suliatsaujut ammalu kenaujaliugutet pivitsagijaujunik Michelinimi Suliangujumi, Kaujitsigalatlutik ikajotigijaujunik nunalimmiunut Labradorimi ammalu Nunatsiavummi.

SuliaKattivit naittumi KaujitsiutiKalauttut, taggajâmmik takutitsitlutik nalunaitsijunik suliatsagijaulâttunik Michelin Suliangujumi ammalu ilisimajaugiaKalâttunik ammalu suliatsagijaugiaKalâttunik tigumiattaugialinnik.

## Aurora Kaujigumajannut Kaujisautingit ukua:

Happy Valley-Goose Bay  
tel: 709.896.6777

Postville  
tel: 709.479.9872

Makkovik  
tel: 709.923.2204

[www.aurora-energy.ca](http://www.aurora-energy.ca)

**aurora**  
energy to change the world